

۲۲ شعبان ۱۳۳۲

تلفون ۱۰۹۷

امور اداره و تحریریه و اعلانات و ساثره
ایچون مدیر مشوله مراجعت ایدلیدر .

عرفای امتك مقالات متصوفانه لرینه
جریده صوفیه نك صحیفه لری آچیدر .
درج ایدلیان اوراق اعاده ایدلز .

پنجشنبه

۳ تموز ۱۳۳۰

جریده صوفیه

شیمدیك هفته ده بر نشر اولئور .

نسخه سی ۴۰ پاره در .

ابونه سی : برسنه لك اعتبارله ممالك عثمانیه
ایچون بشین اوله رق ۴۰ آلتی آیلنی ۲۵
غروش و ممالك اجنیه ایچون اونا یکی فرانقدر

محل اداره باب عالی جوارنده ابوالسعود
چاده سنده نجم استقبال مطبعه سی

تصوفی ، دینی ، اخلاقی ، ادبی ، سیاسی جریده اسلامیه در .

عدد — ۹۶

سنه — ۲

(۴)

قادین ارکک کیجه کوندوز او قویوب یازمیز
نه فنا خویرمز وار ایسه هپ آتالیز
سوزمیز بویله کچر خالقه یالوارمیز
سی ایله ارلریمز یرلره آلتون سردی
مسلمانلر اویانک ایسته او ساعت کلدی .

(۵)

اهل اسلامه قیامت می ترقی قوسی
یوقسه اعدایه مخصوص می جهانک طاپوسی
یک متیندر بیلیرز چونکه بو دینک یاپوسی
سی ایله ارلریمز یرلره آلتون سردی
مسلمانلر اویانک ایسته او ساعت کلدی

(۶)

ایسته تاریخ اوقویک نیله تشکل ایتدک
حقه قارش کیسی ییزار ایدرک اینجیتدک
عدل ایله دینیزی خلقه قبول ایتدیردک .
سی ایله ارلریمز یرلره آلتون سردی
مسلمانلر اویانک ایسته او ساعت کلدی .

(۷)

نه قدر لطفمیزی کوردی بزم آوروپالی
بو حقیقت متفکرلره قالمز قبالی
بزمی یز شمدی الی قانی، ستمکر صوبالی
سی ایله ارلریمز یرلره آلتون سردی
مسلمانلر اویانک ایسته او ساعت کلدی

(۸)

کسیدیلر برلشهرک روم ایلیدن دستمیزی
ممکن اولسه یوزده جکلردی همان پوستمیزی
قانیزله طانیدق آوروپالی دوستمیزی
سی ایله ارلریمز یرلره آلتون سردی
مسلمانلر اویانک ایسته او ساعت کلدی .

(۹)

مدنیت بومیدر بویله میدر انسانلق
بو قدر اولسه اولور کین، غرض، دشمنلق
کروه کلدی مظالم ایله سرکردانلق
سی ایله ارلریمز یرلره آلتون سردی
مسلمانلر اویانک ایسته او ساعت کلدی


(۱۰)

نه چوجوق قالدی نه قیز قالدی بیلک قرداشلر
بو قدر ظلمه، تعدی یه طیانمز طاشلر
انتقامله طوره جق طورسه بو قانی یاشلر
سی ایله ارلریمز یرلره آلتون سردی
مسلمانلر اویانک ایسته او ساعت کلدی

(۱۱)

آکلادق هر طرفک بسلهدیکی نیتی
چیتدی میدانه آنک صورمیهلم علتی
نه روادر چکلم غیریلرک منتی
سی ایله ارلریمز یرلره آلتون سردی
مسلمانلر اویانک ایسته او ساعت کلدی

اسکدار: اسماعیل حق



نعت رسول

یاخود

روضه مطهره یه عرضحال
بوده بخایع اخیره انطباعاتدن

حییپ اولی سنسک خدانک یار رسول الله
نبی عالمسک آخر زمانک یار رسول الله
موقر سبک بیوکدر عزوشانک یار رسول الله
شفاعت شاهیسک روز جزانک یار رسول الله

همیشه جمله امت رها بکدر سیلکدن
نصل امید فیض ایتمز سنک ذکر جیلکدن
انکچون ایلر استمداد بو کون روح جیلکدن
امیدی سندهدر هر مسلمانک یار رسول الله

زواله طوغری کیتمکده بتون امت جهالتدن
نمونه کوستریر هر یر اسارتدن سفالتدن
نیجه قانلر اقوب کیتدی بو اسباب جنایتدن
بویاندی خونه بر قسمی جهانک یار رسول الله

دکل انسانه تطبیق ایتسه لر حتی جماداته
تحمل ایلز ملاغلر بیله بو اعتسافاته
مظالمدن توتن دود سیاه چیتدی سهاوته
بوکا شاهددر اجرایی سهاک یار رسول الله

وطن لفظی دکیشدی بشقه شکل الدی ضرورتله
بتون مات اونی ترک ایلپور بر حسن حسرتله
بوکون بورده یارین اورده کزرن سوق هجرتله
بیلمز اولدی معنایی مکانک یارسلو الله

هنه حرب اخیر ارتق بیتدی اهل اسلامی
اوقونقده نظردن عموم افرادک آلامی
اوزوندر یک بوکونکی درددرک تصویر واعلامی
خلاصه تمتع عرض ، جفانک یارسلو الله

بیوکدر کرچه تقصیراتمز راه مناهیده
عطالت قابلامشکن بزلی دشمن مساعیده
قبول اولمز تضرعلر دخی نزد آلهیده
کورولمز اولدی تأثیری دعانک یارسلو الله

نهمکن دائما صبر ونحمل ظلم وبیاده
ترحم ایلین یوق هیچ بو مظلومانه فریاده
اکر بر معنونه شتاب ایتمزه ک امداده
کسیلمز آرقه سی آرتق فغانک یارسلو الله
صومه تحصیل ماموری

م . حفظی

کلیات ابن الرحمن ادبی باغچولر
عدد : ۶۵

خزان

خزان — فنای عالمده بر نموندهدر. بتون آثاری فنایه دلالت ایدر.
خزان — مادر خزنندر. قلوب بشرده دائما محزون حسلر
تولید ایدر.

خزان — بر عاشق بدبختک مثال حزینیدر. کورندکجه کوزلری
کریه تأثرله طولار.

خزان — بر حساسک، بر مظلومک تجسم ایتمش آه آشنا کیدرکه
طوقوندینی هر شینی یاقار.

خزان — بر ساحه عبرتدرکه لاقید بر عارف تماشاسیله مظهر
انتباه اوله بیلیر.

خزان — بر مرد کاملک فهرست استقبالی در.

خزان — بر صحیفه حکمتدر. اهل بصیرت هر شیده فنایه اولان
میلک صور حقیقه سندن بر نبذه کوره بیلیر. مکدر

اولور ، سونیر ، کولر ، آغلار ، بهوش اولور ،
کندندن کچر .

خزان — بر دهر انقلابدر : هر شیده بر تبدل، هر تبدله بر
حزن، هر خزنده بر مظلومیت کوسترر .

خزان — مقتون لطافت، مغلوب ظرافت اولانلرک بادصر صریدر.

خزان — بر مغمومه آینه قسوتما، بر مدقعه مقیاس لایقادر .

خزان — سعادت طراوتک بر زمان مائی ، قلب جهانک بر
دوره افغانی در :

خزان — قاهرلرک مرده انحسافی، انتظامک نفحه انخالیدر.
قلعه سلطانیله

تراجم

محرم سرانر سبجانی شیخ مصطفی انور شعبانی

قدس الله سره

مصطفی یک نامیله مشهور اولان بو ذات عالیقدر بلبل کلستان
خلوتی حسامی محمد توفیق افندی حضرتلرینک وارث فیض وکالیدر
استانبولده زینتساز عالم شهود اولوب بدایه بیوک آیاصوفیه جوارنده
ساکن ایکن آیاصوفیه باش امامی عبدی افندی مرحومدن بسمله کش
معرفت اولمشدر علوم عربیه قرین ابادلی خواجه نامیله مشهور
ذاتدن تحصیل ایدوب اسکدار مدرسلرندن قره حسین افندیدن اجازتنامه
آلمشدر. پدرلری دفتر خاقانی کتبه سندن اولغله مصطفی بکده هنوز
کوچوک یاشنده بورایه الدیغندن بر مدت خدمتده بولمشدر . مصطفی
یک تکیه لری سودیکندن خصوصیه اسکدارده عنایده نالجه چی خلیل
افندی تکیه سنه مداومت وشینجی رشید افندی ایله صحبت ایدرمش
پدرینک ارتحالی اوزرینه اسکدارده بو تکیه نیک یانه نقل خانه ایدرک
بوراده مداوم خاص اولدی . رشید افندیدن طریقه فیض آلدی بو
صرده قوش اطهلی ابراهیم افندی حضرتلرینک ناشر فیضی جاوش
باشی معاونی ناشر افندی مرحومه ملاقی اولوب اندن ده فیضیاب اولدیله
برکون رشید افندی نصوحی حضرتلرینک آستانه سنده حامی حضرتلریله
ملاقاتنده دوچار جذبه اولغله حامی حضرتلرینی نالجه چی درکانه
دعوت ایتدیگندن مشار الیه دعوتیه بالاجاه کلدیکنده استقباله چیقان
مصطفی بکی استعدادی حسیه بر نظرده کلشن عرفانه اسیر ایدر بر
مدت صکره رشید افندی درکاهک مشیختی مصطفی بکه تودیع ایتمکله
مصطفی یک بوراده اون بچق سنه حامی حضرتلرینک تربیه رشادتلری
التنه فیضیاب کمال اولمشدر حامینک انتقالی اوزرینه اسرار فیضی
مصطفی یک حضرتلرینده منجلی اولدیغندن درگاه شریف مرجع خاص.

ابراهیم